



## ***Komunikadu Imprensa***

***10 Jullu 2013***

### **Tribunál Dili kondena kazu violénsia doméstika ho pena multa**

Iha 08 Jullu 2013 Tribunál Distritál Díli konklui julgamentu ba kazu violénsia doméstika ho pena multa ba arguidu RG hasoru nia kónjuje AE. Kazu ne'e akontese iha 1 Maiu 2013, husi Sub-Distritu Cristu Rei, Distritu Díli.

Ministériu Públiku akuza katak iha 01 Maiu 2013, mais ou menus iha tuku 08:30 kalan, arguidu tuku dala rua iha lezada nia rentos no iha hirus matan, buti iha kakorok no rezulta vítima hetan moras iha hirus matan.

Kazu ne'e akontese tanba arguidu simu telefone husi ema seluk no hetan lezada arguidu desliga telefone. Lezada husu ba arguidu kona-ba telefone ne'e, maibe arguidu nonok sein klarifikasaun. Tanba ne'e, lezada rakut iha arguidu nia kamisa, arguidu dudu lezada tama ba uma laran.

*"JSMP hanoin pena multa suficiente, maibé tenke asegura laiha aktus repetetivu"*, dehan Diretór Executivu JSMP Luis de Oliveira Sampaio.

Ministériu Públiku akuza arguidu kontra artigu 145 Kódigu Penál kona-ba ofensas ba integridade física simples konjuga ho artigu 35 alinea b Lei Kontra Violénsia Doméstika.

Iha julgamentu arguidu deklara ba tribunál katak faktus sira ne'ebé konsta iha akuzasaun Ministériu Públiku balu loos no balu la-loos. Maibé arguidu la klarifika faktus lo-loos ba tribunál. Laiha serteza ba faktus, nune'e tribunál konfirma ho lezada. Lezada deklara katak faktus sira ne'e loos hotu. Lezada mós deklara katak arguidu la hela iha uma durante fulan ida resin, maibe arguidu klarifika katak nia servisu iha distritu.

Iha alegasaun Ministériu Públiku faktus ne'ebé imputa ba arguidu provadu, husu ba tribunál atu fo pena multa. Husi parte defeza hare katak husi akuzasaun Ministériu Públiku tuir natureza artigu 145, wainhira iha ofensa mak aplika multa. Iha audiénsia arguidu deklara laiha ofensa ba lezada defeza husu ba tribunál atu absolve arguidu.

Depois avalia faktus sira ne'ebé produz iha julgamentu, tribunál konklui hodi kondena arguidu ho pena multa \$100 no laron ida koresponde ho U\$ 1.00. no selu mós kusta judicial U\$ 10.00

Kazu ne'e rejista iha tribunál ho Númeru prosesu: 142/2013/TDD. Julgamentu ne'e prezide husi juiza Dra. Edite Palmira. Ministériu Públiku representa husi Dr. Oscar Silva Tavares, substitui

iha desizaun Dr. Mateus Nessi no arguidu hetan defeza husi Dr. Leonidio Marques husi Eskritóriu Defensória Públiku. Oficial justica ne'ebé responsavel iha prosesu mak Sr. Julio M. Ribeiro.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Facebook: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMP.tl